

Data: 09.07.2026

PROCESVERBAL – TIPI I KONTRATËS - MALL
PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM

OBJEKTI I PROCEDURËS: “ Furnizim dhe instalim i bllokut të valvulave të komandimit të pompave të ivp-së, dhe furnizim dy pompa rezerve”

KODI PËRKATËS NË FJALORIN E PËRBASHKËT TË PROKURIMIT (CPV): PAJISJE TË NDRYSHME - 39300000-5.

VLERA E FONDIT LIMIT: 44,033,333 (Dyzet e katër milion e tridhjetë e tre mijë e treqind e tridhjetë e tre) lekë pa TVSH ose 469,539 (Katërqind e gjashtëdhjetë e nëntë mijë e pesëqind e tridhjetë e nëntë) Euro pa TVSH.

Kursi zyrtar i këmbimit sipas Bankës së Shqipërisë në datën 09.07.2026 është 93.78 Lekë/Euro.

Në bazë të nenit 21, pika 2 të Ligjit nr.162/2020 “Për prokurimin publik”, i ndryshuar, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” i ndryshuar, autoriteti/enti kontraktor **Korporata Elektroenergjitike Shqiptare sh.a**, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

2. KRITERET E VEÇANTA TË KUALIFIKIMIT.

1. Ofertuesi duhet të paraqesë:

- a. Sigurimin e Ofertës, sipas Shtojcës 4;
- b. Formularin Përmbledhës të Vetëdeklarimit, sipas shtojcës 9;

Argumentimi:

Kriteret e mësipërme janë vendosur në përputhje me Nenin 82, “Formulari përmbledhës i vetdeklarimet” dhe Nenit 83 “Sigurimi i ofertës” të Ligjit Nr.162/2020 “Për Prokurimin Publik”, i ndryshuar, si dhe në mbështetje të nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik, i ndryshuar. Në Nenin 83 të Ligjit Nr.162/2020 “Për Prokurimin Publik”, i ndryshuar citohet: “*Autoriteti Kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël*”, në Nenin 82, të LPP, i ndryshuar “1. Bashkë me dorëzimin e kërkesave për pjesëmarrje ose të ofertave, autoritetet ose entet Kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetdeklarimet, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik”.

2. Ofertuesi duhet të paraqesë:

2.1 Kapacitetin profesional të operatorëve ekonomikë: me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojcës 9.

Argumentimi:

Kërkesa e mësipërme bazohet në nenin 77, pika 1/a dhe 2, të LPP, i ndryshuar, nenit 40, pika 5, të VKM nr. 285, datë 19.05.2021 “Për miratimin e rregullave të prokurimit publik”, i ndryshuar.

2.2 Kapaciteti ekonomik dhe financiar:

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore të 3 (tre) viteve të fundit financiare ku vlera e xhiros për të paktën një nga vitet e periudhës së kërkuar duhet të jetë jo më e vogël se vlera e përllogaritur e fondit limit.

Kërkesa e mësipërme konsiderohet e përmbushur nëse operatorët ekonomike arrijnë vlerën e xhiros minimale, në të paktën një vit të periudhës së kërkuar.

Argumentimi:

Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3 e LPP, i ndryshuar si dhe nenin 43, të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar.

Duke marrë në konsideratë specifikën e mallrave objekt procedure prokurimi, kërkohet që Operatori Ekonomik ofertues të paraqesë se disponon kapacitetet e nevojshme ekonomike dhe financiare për ta realizuar atë në kohë dhe në përputhje me specifikimet teknike të kërkuara. Për këtë operatori ekonomik ofertues duhet të ketë disponibilitetin e duhur ekonomik dhe me këtë qëllim, është argumentuar se vlera e xhiros për tre vitet e fundit financiare të jetë jo më e vogël se vlera e përllogaritur e fondit limit.

Vlera e xhiros së përcaktuar dhe të kërkuar nga autoriteti kontraktor kërkohet për të provuar kapacitetet financiare dhe ekonomike të operatorit ekonomik si dhe për të vendosur kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në dispozitat e legjislacionit :

Ligjin Nr. 29/2023 Për tatimin mbi të ardhurat (Ndryshuar me aktin normativ nr. 2, datë 7.6.2023; aktin normativ nr. 7, datë 14.12.2023; vendimin e Gjykatës Kushtetuese nr. 52, datë 27.6.2024; aktin normativ nr. 4, datë 27.11.2024, ligjin nr. 9/2025, datë 30.1.2025; nr. 81/2025, datë 11.12.2025) (i përditësuar).

Vendim nr. 211, datë 9.4.2025 Për disa ndryshime në vendimin nr. 922, datë 29.12.2014, të Këshillit të Ministrave. “Për deklarin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike”. Udhëzim nr. 24, datë 6.11.2025 për disa shtesa dhe një ndryshim në udhëzimin e përgjithshëm nr. 26, datë 8.9.2023, “Për tatimin mbi të ardhurat”, të ndryshuar.

2.3 Kapaciteti teknik:

2.3.1 Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës në një vlerë jo më të vogël se 39 % e fondit limit.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- ✚ Për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.
- ✚ për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Argumentimi:

Kriteri i mësipërm është përcaktuar bazuar në nenin 77 të ligjit Nr. 162, datë 23.12.2020 “Për prokurimin publik” i ndryshuar, dhe nenit 40, pika 4, të VKM Nr. 285, datë 19.05.2021 “Për miratimin e Rregullave të Prokurimit Publik” i ndryshuar.

Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 39 % e vlerës limit të kontratës që prokurohet, që është brenda vlerës kufi të përcaktuar në nenin e sipërcituar.

Kjo kërkesë ka si qëllim sigurimin e faktit që operatori ekonomik ka përvojë dhe aftësi të mjaftueshme për të realizuar kontrata të ngjashme me atë që po kërkohet. Në këtë mënyrë, AK synon të sigurojë se operatori ka kapacitetin për të përmbushur kërkesat dhe për të ofruar shërbime apo produkte që janë të ngjashme në natyrë dhe në vlerë me ato që janë të parashikuara në kontratë. Përvojat e mëparshme në kryerjen e furnizimeve të ngjashme janë një indikator i rëndësishëm i aftësisë së operatorëve për të menaxhuar projekte dhe për të përmbushur afatet dhe standardet e kërkuara. Nëse një operator ka një histori të suksesshme të realizimit të kontratave të ngjashme, kjo ul mundësinë e dështimit të kontratës së re, duke e bërë procesin më të sigurt dhe më të besueshëm për palën kontraktuese.

Operatorët ekonomikë që kanë përvojë të mëparshme në fushat e ngjashme janë më të besueshëm në ofrimin e produkteve dhe shërbimeve që kërkohen. Kjo është veçanërisht e rëndësishme kur bëhet fjalë për projekte që kërkojnë cilësi të lartë dhe përputhje me standardet. Përvoja e mëparshme tregon se operatori ka kapacitetin për të siguruar cilësinë dhe të përmbushë kërkesat kontraktuale.

2.3.2 Operatori ekonomik duhet të jetë i pajisur dhe të paraqesë Çertifikatat **ose ekuivalentet e tyre**, në përputhje me objektin e prokurimit, të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë, si më poshtë:

- ✚ SSH/EN/ISO 9001 - “Sistemi i menaxhimit të cilësisë”;
- ✚ SSH/EN/ISO 45001 - “Sistemi i menaxhimit të shëndetit dhe sigurisë në punë”

Argumentimi:

Kërkesa në lidhje me këto certifikata është në përputhje me nenin 44 të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar dhe nenin 79 të ligjit Nr. 162, datë 23.12.2020 “Për prokurimin publik”, i ndryshuar.

Kërkesa në lidhje me këto certifikata mundëson një menaxhim të mirë të cilësisë, mbrojtje të mjedisit dhe siguri të punonjësve. Këto standarde janë të rëndësishme për të siguruar që operacionet e mirëmbajtjes të jenë efikase, të qëndrueshme dhe të sigurta për të gjitha palët e përfshira.

Konkretisht:

SSH EN ISO 9001 “Sistemi i menaxhimit të cilësisë” - Ky standard është i nevojshëm për certifikimin në realizimin e cilësisë, identifikimin e rrisqeve, caktimin e burimeve të nevojshme për të kontrolluar nëse mallrat e ofruar janë të cilësisë së duhur si dhe kontrollin e proceseve.

SSH/EN/ISO 45001 “Sistemi i menaxhimit të shëndetit dhe sigurisë në punë” - është i nevojshëm për ndërgjegjësimin e gjithë personelit të shoqërisë në lidhje me masat e mbrojtjes së shëndetit, sigurisë dhe konsultimit të punësuarve për vlerësimin e rrisqeve të shëndetit dhe sigurisë në punë.

2.3.3 Operatori ekonomik duhet të ketë në stafin e tij minimalisht për periudhën Prill 2026 -Qershor 2026, 2 (dy) inxhinierë të diplomuar në inxhinieri elektrike dhe në inxhinieri mekanike.

Në lidhje me kërkesën e mësipërme, gjatë ofertimit ofertuesi duhet të plotësojë në mënyrë të detajuar formularin përmbledhës të vetë deklarimit dhe më pas, përpara publikimit të njoftimit të fituesit dhe nisjes së afateve të ankimit, ofertuesi i kualifikuar i pari të paraqesë pranë Autoritetit Kontraktor, dokumentacionin i cili duhet të përputhet me atë të shprehur në formularin përmbledhës të vetë deklarimit si:

-  Kontratë pune të vlefshme;
-  Diplomat e inxhinierëve;
-  Listëpagesat e shoqërisë formulari E-sig, për të paktën Prill 2026 -Qershor 2026.

Argumentimi:

Kërkesat për punonjësit, janë kërkuar në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” i ndryshuar, dhe nenit 40 të VKM nr.285, datë 19.05.2021 “Për miratimin e Rregullave të Prokurimit Publik”, i ndryshuar, ku me anë të këtij kriteri vërtetohet që operatorët ekonomikë dëshmojnë se kanë personelin e nevojshëm të kualifikuar për realizimin me sukses të objektit të prokurimit.

Konkretisht:

Objekti i kësaj procedure prokurimi përfshin furnizimin dhe vendosjen/instalimin e mallrave të fushës mekanike, konkretisht pompave të IVP-së dhe bllokut të valvulave të kontrollit dhe komandimit, të cilët përbëjnë komponentë teknikë të specializuar dhe duhet të prodhohen, furnizohen dhe instalohen në përputhje të plotë me kërkesat e specifikimeve teknike.

Për shkak të natyrës së veçantë teknike të këtyre pajisjeve, kërkohet që operatori ekonomik të disponojë në stafin e tij minimalisht 1 (një) Inxhinier Mekanik dhe 1 (një) Inxhinier Elektrik me diplomë të arsimit të lartë, të cilët, nëpërmjet kompetencave të tyre profesionale, garantojnë realizimin korrekt të kontratës në të gjitha fazat e saj.

Inxhinieri Mekanik është i nevojshëm për interpretimin dhe verifikimin e specifikimeve teknike që lidhen me dimensionet, nivelin e presionit, tolerancat, skemën principale hidraulike, karakteristikat konstruktive dhe parametrat mekanikë të pompave dhe bllokut të valvulave, si dhe për mbikëqyrjen e procesit të prodhimit, furnizimit dhe instalimit të tyre.

Njëkohësisht, Inxhinieri Elektrik është i domosdoshëm për interpretimin dhe verifikimin e karakteristikave, parametrave dhe kërkesave elektrike të pajisjeve, kontrollin e përputhshmërisë së tyre me specifikimet teknike, si dhe për mbështetjen teknike gjatë fazës së furnizimit dhe instalimit, duke garantuar funksionimin e sigurt dhe të saktë të sistemit.

Prania e këtyre dy specialistëve në stafin e operatorit ekonomik synon të sigurojë realizimin e kontratës në përputhje të plotë me kërkesat teknike të Autoritetit Kontraktor, të minimizojë rrezikun e mospërputhjeve teknike, defekteve gjatë montimit apo mosfunksionimit të pajisjeve, si dhe të garantojë kontrollin teknik dhe cilësor gjatë gjithë ciklit të realizimit të kontratës. Për rrjedhojë, kjo kërkesë është në përpjesëtim me natyrën, kompleksitetin dhe rëndësinë e objektit të prokurimit dhe është e domosdoshme për garantimin e zbatimit me cilësi dhe siguri të kontratës.

2.3.4 Operatori ekonomik duhet të paraqesë Autorizim nga Prodhuesi ose Distributori i Autorizuar për mallrat objekt prokurimi.

Autorizimi duhet të përmbajë të dhëna të plota të prodhuesit si: telefon, e-mail, ëëbsite kjo e nevojshme për Autoritetin Kontraktor në rast verifikimi nga ana e tij.

Në rast se paraqitet autorizim distributori duhet të provohet lidhja midis prodhuesit dhe distributorit nëpërmjet një dokumenti zyrtar të vlefshëm (kontratë, çertifikatë, deklaratë etj).

Argumentimi:

Kriteri i mësipërm është në përputhje me nenin 77, pika 4, të Ligjit Nr. 162, datë 23.12.2020 “Për prokurimin publik” i ndryshuar, dhe nenit 40, të VKM Nr. 285, datë 19.05.2021 “Për miratimin e rregullave të prokurimit publik” i ndryshuar.

Kërkesa për paraqitjen e një Autorizimi nga Prodhuesi ose Distributori i Autorizuar për mallrat objekt prokurimi është një kërkesë që ka si qëllim të sigurojë se operatori ekonomik ka akses dhe mund të ofrojë produkte të cilësisë së garantuar dhe të sigurta, si dhe të konfirmojë që ato janë në përputhje me standardet e prodhuesit ose distributorit.

2.3.5 Operatori Ekonomik ofertues duhet të paraqesë Katalogun/ët teknik për mallrat që do të furnizojë për këtë objekt prokurimi në mënyrë që të provohet pajtueshmëria me specifikimet teknike.

Në katalog, të markohen në mënyrë të qartë dhe të dallueshme mallrat e ofertuara, si edhe specifikimet përkatëse sipas të dhënave në DT. Katalogu të përmbajë karakteristikat teknike, me qëllim që AK të vlerësojë nëse malli i ofruar plotëson kërkesat teknike të përcaktuara në DT.

Argumentimi:

Kërkesa për paraqitjen e katalogut/ëve është përcaktuar bazuar në nenin 77, pika 1 të Ligjit nr. 162, datë 23.12.2020 “Për prokurimin publik” i ndryshuar dhe nenit 40, pika 6, gërma b) të VKM nr. 285, datë 19.05.2021, “Për miratimin e Rregullave të Prokurimit Publik” i ndryshuar.

Kërkesa për paraqitjen e katalogut/katalogëve teknikë për mallrat objekt prokurimi justifikohet nga nevoja për verifikimin e përputhshmërisë së plotë të produkteve të ofruara me specifikimet teknike të përcaktuara në Dokumentet e Tenderit. Duke qenë se mallrat kanë karakter teknik dhe duhet të integrohen me sistemin ekzistues, katalogu shërben si mjet zyrtar për identifikimin e karakteristikave teknike, parametrave dhe performancës së tyre, në mënyrë që Autoriteti Kontraktor të vlerësojë në mënyrë objektive nëse produkti i propozuar përmbush kërkesat e vendosura.

Kërkesa që në katalog të shënohen qartë dhe në mënyrë të dallueshme artikujt e ofruar dhe specifikimet përkatëse synon të shmangë paqartësitë dhe interpretimet e ndryshme, duke siguruar transparencë dhe krahasueshmëri të ofertave. Kjo i mundëson Autoritetit Kontraktor të bëjë një vlerësim teknik të saktë dhe të verifikueshëm, duke garantuar që malli i furnizuar është në përputhje të plotë me kërkesat teknike dhe standardet e kërkuara në procedurën e prokurimit.

2.3.6 Operatori ekonomik duhet të paraqesë dëshmi/ certifikata të testimeve FAT tip që prodhuesi realizon për elektropompat objekt prokurimi.

Argumentimi: Ky kriter është kërkuar në përputhje me nenin 77, pika 4, të Ligjit nr. 162, datë 23.12.2020, "Për prokurimin publik", si dhe me nenin 40, pika 6, shkronjat **b)** dhe **c)**, të VKM-së nr. 285, datë 19.05.2021, "Për miratimin e rregullave të prokurimit publik", ku parashikohet se autoriteti/enti kontraktor mund t'u kërkojë operatorëve ekonomikë të paraqesin dëshmi që vërtetojnë përmbushjen e kërkesave minimale të përcaktuara në dokumentet e tenderit, si: **b)** fotografi ose katalogë teknikë dhe/ose **c)** dëshmi për rezultatet e testimeve zyrtare, të lëshuara nga institucione të autorizuar, të cilat vërtetojnë përputhshmërinë e produkteve me specifikimet teknike.

Kriteri i mësipërm lidhet ngushtësisht me Specifikimet teknike për objektin e kërkuar. AK duhet të ketë besueshmërinë dhe të kërkojë garanci për realizimi me sukses të kontratës objekt prokurimi, duke përfshirë kërkesat për garantimin e realizimit të testimeve në fabrikë.

Për rrjedhojë, Autoriteti Kontraktor e konsideron të domosdoshme që operatori ekonomik të paraqesë dëshmi për kryerjen e testeve FAT për produktin e ofruar, me qëllim garantimin e cilësisë së produktit, verifikimin e funksionalitetit të tij dhe konfirmimin e përputhshmërisë me specifikimet teknike të përcaktuara në dokumentet e tenderit. Kjo kërkesë synon të minimizojë rrezikun e furnizimit me pajisje që paraqesin defekte ose mospërputhje teknike, të cilat mund të evidentohen vetëm në momentin e vendosjes së tyre në punë pas një periudhe të gjatë magazinimi

Shënim: Në respekt të nenit 36, të Ligjit Nr. 162, datë 23.12.2020 “Për prokurimin publik”, i ndryshuar, në të gjithë rastet në kur dokumentet e tenderit përmendet “markë” përfshihet termi “ose ekuivalenti i tij/saj”.

Të gjitha dokumentet duhet të jenë origjinale ose kopje të noterizuara. Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.

Në rast të ofertave nga ofertues të huaj, dokumentet e ofertës duhet të jenë ekuivalente me dokumentet e kërkuara sipas parashikimeve ligjore të fushës për njehsimin e dokumenteve.

II. Argumentimi i specifikimeve teknike:

Specifikimet teknike janë hartuar nga Grupi i punës (sipas procesverbalit pjesë integrale e kësaj procedure) ku në të citohet se:

Grupi i punës ka ndërmarrë procesin për hartimin e specifikimeve teknike për furnizim dhe instalim të bllokut të valvulave të komandimit të pompave të IVP-së, dhe furnizim dy pompa rezervë.

Ky proces bazohet në kërkesat specifike të HEC Vau i Dejës me qëllim kryesor garantimin e gatishmërisë së agregateve. Duke qenë se blloku i valvulave të komandimit të pompave të IVP-së dhe elektropompat e IVP-së janë elementë të rëndësishëm të cilët garantojnë funksionimin e sigurt dhe korrekt të agregateve, parimi kryesor i hartimit të specifikimeve është garantimi i përputhshmërisë së plotë teknike dhe operacionale të agregateve.

Për këtë arsye, specifikimet teknike si dimensionet, parametrat nominalë, skemat hidraulike, etj., janë nxjerrë duke marrë për referencë të drejtpërdrejtë pajisjet/sistemet ekzistuese.

Për identifikimin e saktë, është mundësuar paraqitja e të dhënave ilustruese përmes fotografive dhe skemave përkatëse, duke garantuar kështu njohjen e plotë me çdo specifikë të produktit/mallrave të kërkuar përpara ofertimit.

Njësia e Prokurimit